






16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44

古 392
867.2
24









錢志新編卷九

雲間張崇懿麗瀛校輯


南唐

烈祖李昇者字正倫唐憲宗子建王恪元孫恪生超超
生志仕為徐州判司因家焉志生榮喜浮屠號李道
者於僖宗光啟四年生帝於彭城六歲而孤遇亂伯
父球及母劉氏避地至濠州楊行密見而奇之養以
為子密子渥不能相容復與大將徐溫為子冒姓徐
名知誥及長身長七尺廣顙隆準為人溫厚有謀重



儒好學勤儉寬仁封齊王遂禪吳王位改國號曰唐
 典章制度一遵唐制在位七年壽五十六有古賢主
 之風傳元宗景後主煜凡三主共二十九年宋太祖
 滅之起丁酉終乙亥



元宗名景初名璟烈祖子在位二十年改元凡二保大
 十六交泰四寬仁大度更優於烈祖謙讓不名大臣
 延公卿講論政體多才藝好讀書善騎射慈和恭儉
 睦族愛民裕然有人君之度焉殂年四十六

保大錢王圻稗史彙編曰保大元寶錢南唐元宗鑄






唐國錢唐史曰元宗以府藏空竭錢貨益少乃更鑄
 唐國通寶錢以二當開元錢一洪志曰此錢有徑九
 分重三銖者徑七分重二銖二參者徑寸二分重八
 銖者形制相肖並篆文又有徑八分重二銖六參字
 含八分及隸體背上作一圓點者五品中為最少






大唐錢馬令曰元宗鑄大唐通寶錢與唐國並行洪志曰徑八分重二銖四參有徑七分者文並隸體



永通錢南唐書曰景鑄大錢以一當十文曰永通泉貨又有泉寶徑寸七分重十八銖字八分書背面皆有周

郭肉好洪志曰此錢有三品徑寸五分重八銖七參者八分書背面肉郭好徑寸三分重五銖七參者篆文輪郭厚重銅色昏暗及背作龍鳳形者為三種



後主名煜字重光元宗子在位十五年殂時年四十二

以七夕生自幼聰悟好讀書善屬文工詩畫明音律

為詞家之冠美風儀目重瞳性純孝嗣位初值國削

帑空即蠲租息役以裕民力故專事中原不憚屈境
 賴以安蓋賢主也而卒亡其國者實為宋運方興耳
 宋太祖封為太傅違命侯子姪皆錄用太宗朝進封
 隴西公殂贈太師追封吳王
 開元錢按鋼鑑彙編曰後主四年三月行鑄錢其錢
 之大小一如開元文亦如之用徐鉉篆文比舊錢稍
 大而輪郭深闊以鑄錢六權銅錢四行公私便之





前蜀


高祖王建字光圖舞陽人隆目廣額狀貌奇偉少無賴
 嘗竊牛馬里人謂之賊王八唐僖宗時官永平節度
 使當時號為虎將唐亡建伐梁仍稱天復年號已旋
 并兩川稱帝國號曰蜀僭位十一年改元凡五武成
 三永平五通正一天漢一光天一傳子後主衍後唐
 滅之共二主計三十五年起後梁開平二年戊辰終
 後唐同光四年丙戌

永平錢李孝美曰王氏鑄徑七分重三銖形製粗惡


通正錢



天漢錢



光天錢李孝美曰三錢形製大小輕重與永平同



後主衍初名宗衍僭位七年改元二乾德六咸康一信

任中官貪悅女色立錦步帳嘗擊球其中後宮皆帶

金蓮花服道服與太后游青城山宮人衣服皆畫雲


霞望之若仙又與韓昭等為狎客同諸婦人日夜酣

飲不理國事以及於亡初唐莊宗使李嚴聘蜀見蜀



都士庶簾帷珠翠夾道不絕而衍驕淫歸而勸莊宗

伐滅之

乾德錢徑七分重三銖形製與前同



咸康錢洪志曰蜀錢皆重三銖獨咸康重三珠三參有元寶通寶二種製皆粗陋





後蜀

高祖孟知祥者後唐太祖弟克讓婿也官西川節度使時東川節度使孟璋為其下所殺知祥有之明

宗封為蜀王尊稱帝僭位四年改元明德傳子昶是為後主宋太祖滅之共二主凡四十一年起後唐同光三年乙酉終宋乾德三年乙丑


後主昶僭位二十八年改元廣政信用宵小屏棄忠良日事遊宴李太后屢諫不從性復驕淫後宮所用溺器皆以七寶粧之

廣政錢後蜀史曰明德三年十二月丁亥申銅禁明年改元廣政洪志曰此錢徑九分重三銖銅質渾厚字文八分書





閩

太祖王審知者固始人梁初封為閩王狀貌雄偉以材器知名常乘白馬號曰白馬三郎傳王延翰王璘始稱帝王昶王曦王延政降於南唐凡六主計五十三年起景福三年癸丑終後晉開運二年乙巳開元錢陶岳曰王審知鑄大鍤錢 文亦開元





太宗王璘初名延鈞僭立一年改元永和淫亂悖理好鬼神任妖巫納父妾為后寵幸歸守明號為歸郎後為皇城使李傲所殺

永和錢見錢志有此二品



景宗王曦初名延義纂姪祖位僭立四年改元永隆曦亦淫侈無度

永隆錢閩史曰永隆四年八月鑄永隆通寶大鑄錢以一當十當鉛錢百洪志曰徑寸四分重十銖二參文字夷漫製作不精以銅為之五代史不載而十國志又遺銅品




閩主王延政曦之弟稱帝於建州改國號為殷建元天

德凡三年後仍號閩南唐滅之

天德錢閩史曰天德二年鑄天德通寶大鑄錢以一

當百董道曰天德重寶穿上有殷字洪志曰亦有銅

者



南漢

高祖劉龔者本名巖因白龍現乃採飛龍在天之義作

此龔音嚴字為名父謙官封州刺史卒子隱代之梁封

南平王龔龔隱職遂稱帝於廣州國號曰漢據嶺南

四十七州地身長七尺垂手過膝驕奢淫佚聚珍寶

為玉堂珠殿性慘酷造剝剔炮炙之刑更置毒蛇水


中以罪人投之稱水獄用宦官掌國政僭位二十五

年改元凡三乾亨八白龍三大有十四傳殤帝玠中

宗晟更淫酷設鑊湯鑊床等刑號生地獄連殺兄弟

十二人并其子納女充後宮卒子銀仍復凶暴宋太祖滅之凡四主共五十五年起梁貞明三年丁丑終宋開寶四年辛未

乾亨錢李孝美曰乾亨重寶錢徑七分重六銖洪志曰大者徑寸餘泉寶錄曰大有元寶錢南漢鑄



楚

武穆王馬殷者字霸圖鄆陵人以材勇聞後梁封為楚

王有湖南北十州地寬慈樂善頗著仁聲然多內寵

嫡庶無別諸子卒以此亂國在位二十四年傳子希



聲希範希廣希萼希崇降於南唐凡六主共五十六

年起唐乾甯三年丙辰終後周廣順元年辛亥


乾封錢按楚史曰馬殷時高郁請鑄錢圓六寸文

曰乾封寶以一當十洪志曰徑寸七分重十七銖

以銅為之



天策府寶錢張台曰馬氏錢也董道曰馬氏建天策府因鑄此錢洪志曰此錢徑寸七分重三十銖二參銅質渾厚字文明坦史氏失其傳





燕

劉守光者父仁恭唐昭宗時官盧龍節度使善穴地道以攻城軍中號劉窟頭性驕侈貪暴有愛妾羅氏與守光通仁恭杖斥之守光遂囚其父選境內男子十五以上七十以下得二十萬人黥其面文曰定霸都諷諸鎮尊已為尚父後梁封為燕王僚屬獻受冊儀無郊天改元事守光怒遂稱帝改元應天凡三年晉王李存勗兵入執守光父子斬之

應天錢董道曰幽州劉守光鑄錢曰應天元寶背文

有一万字




錢志新編卷十

雲間張崇懿麗瀛校輯

宋

太祖姓趙氏名匡胤涿郡人四世祖肱為唐幽都令生
 珽為唐御史中丞珽生敬為涿州刺史敬生宏殷周
 檢校司徒岳州防禦使娶杜氏生帝於洛陽之夾馬
 營赤光滿室異香經宿不散人謂之香孩兒營及長
 狀貌雄偉器度豁如仕周為檢校大尉殿前都檢點
 受周禪改國號曰宋都汴在位十七年壽五十改元


建隆三乾德五開寶九起庚申終丙子按帝性至仁
 孝自奉儉約削平諸國所向有功陳搏聞帝即位曰
 天下自此定矣傳太宗真宗仁宗英宗神宗哲宗徽
 宗欽宗是為北宋高宗南渡再傳孝宗光宗甯宗理
 宗度宗恭帝端宗帝昺是為南宋凡十八主統計三
 百二十年起庚申終己卯
 宋元錢宋史食貨志曰五代以來皆用唐舊錢其鑄
 者鮮太祖始鑄錢文曰宋元通寶鄧元錫函史曰宋
 元通寶錢輕重一準唐之開元光幕外又有星搗文






太宗名匡義更名炅太祖之弟遵杜太后遺命先傳二
 弟然後傳子在位二十二年壽五十九改元凡五太
 平興國八雍熙四端拱二淳化五至道三起丙子終
 丁酉按帝在位省刑薄賦采直言敗遼兵收吳越滅
 北漢天下一統尤好讀書足稱賢主然使一弟二姪
 不得善終嫂開寶皇后宋氏崩殯於佛舍不使羣臣

成服何其悖也







太平錢食貨志曰太平興國元年更鑄太平通寶錢



淳化錢食貨志曰帝親書淳化元寶真行草三體字鑄錢後更鑄皆曰元寶而冠以年號又續泉志載淳化二年從趙安易請鑄御書大錢因未覩故不載




至道錢食貨志曰至道中歲鑄錢八十萬貫又於至道二年以池州新錢監為永豐監



真宗名恆初名元侃太宗之子在位二十五年壽五十


五改元凡五咸平六景德四大中祥符九天禧五乾
 興一起戊戌終壬戌按帝初任寇準等紀綱整肅後
 以王欽若輩倡說異端降天書封泰山哆享昇平誇
 張海內

咸平錢食貨志曰咸平四年作永利監鑄錢




景德錢食貨志曰景德四年詔曰鑄錢素有程限
 其勞苦特示矜寬自今五月一日至八月一日止收

半功歲鑄錢一百八十三萬貫



祥符錢食貨志曰大中祥符七年用知益州凌策言
 歲鑄錢二十一萬貫



五改元凡五咸平六景德四大中祥符九天禧五乾興一起戊戌終壬戌按帝初任寇準等紀綱整肅後





以王欽若輩倡說異端降天書封泰山哆享昇平誇

張海內

啓三金


昭念字

十四年作永利監鑄錢







景德錢食貨志曰景德四年詔曰鑄錢素有程限其勞苦特示矜寬自今五月一日至八月一日止收


半功歲鑄錢一百八十三萬貫



祥符錢食貨志曰大中祥符七年用知益州凌策言歲鑄錢二十一萬貫




天禧錢食貨志曰天禧未歲鑄錢一百五萬貫




仁宗名禎初名受益真宗之子在位四十三年壽五十四改元凡九天聖九明道二景祐四寶元二康定一慶曆八皇祐五至和二嘉祐八起癸亥終癸卯按帝初政母后臨朝政非已出寶元康定西鄙多事慶曆以後引用韓范朝多君子性恭儉仁恕始終如一大辟疑獄上所活歲以千計可謂至仁之主焉

天聖錢按此錢有楷篆二品自後宋錢每有篆文




明道錢按此錢有楷篆二品



景祐錢按此錢有楷篆二品




寶元錢食貨志曰仁宗特命以皇宋通寶為文續泉志曰有大小三品自七分重至一錢九分大錢背文有五字在穿上疑是當五錢文亦皇宋通寶




康定錢通鑑綱目曰康定元年十二月鑄當十大錢


以助邊費按此錢大小厚薄與大宗甯同小者亦少




慶厯錢食貨志曰陝西都轉運使張奎知永興軍范雍請鑄大錢以一當十文曰慶厯重寶




皇祐錢宋志曰皇祐中饒池建江韶五州鑄錢一百四十六萬緡





至和錢續泉志曰慶歷末以當十作當二用自此有折二錢此篆文大至和蓋折二錢也傳世獨少有元寶通寶二品






嘉祐錢邱濬曰宋自開寶後每更一號必鑄錢故每帝皆有數種續泉志曰錢最多者仁宗也有楷隸篆三體文字元寶通寶之別






英宗名曙初名宗寶仁宗嗣子濮王允讓之子在位四年壽三十六改元治平起甲辰終丁未按帝以明敏之資膺繼統之命臨政必問古治所宜裁決出羣臣意表雖未久升遐然後世抑高風咏至德何其盛哉治平錢食貨志曰歲鑄錢一百七十萬緡





神宗名頊英宗之子在位十八年壽三十八改元凡二


熙甯十元豐八起戊申終己丑按帝孝友謙抑勵精圖治將大有為而惑於王安石之曲學偏見騷動天



下致祖宗之良法美意變壞殆盡卒成禍亂惜哉
 熙甯錢宋志曰熙甯四年從陝西轉運使請行折二
 錢遂大行天下



元豐錢宋志曰時西師大舉邊用告竭寶豐下監歲
 鑄折二錢二十萬緡轉移陝府



錢志新編卷十一

雲間張宗懿麗瀛校輯

宋

哲宗名煦神宗之子在位十五年壽二十五改元凡三



元祐八紹聖四元符三起丙寅終庚辰按帝幼冲踐

祚宣仁同政召用諸賢罷廢新法故元祐之政庶幾










仁宗及舊奸復用假紹述以反前政報復善良黨禍

藉興國政故焉



元祐錢按此錢有行書篆文二品





紹聖錢按此錢有通寶元寶二品食貨志曰元祐中罷徐州寶豐監鼓鑄按又有紹聖大鐵錢








元符錢食貨志曰元符二年官銅取就西京置監又曰紹聖中以銅錢一千文易鐵錢二千五百











徽宗名佶哲宗之弟在位二十六年壽五十五改元凡
 六建中靖國一崇甯五大觀四政和七重和一宣和
 七起辛巳終乙巳按帝性甚機巧優於技藝不修國
 政大興土木屏棄忠正任用奸邪以致天變民怨盜
 賊四起金人大舉入寇擄帝北去紹興五年殂於五
 國城

聖宋錢宋志曰建中靖國以聖宋元寶為文










崇甯錢食貨志曰崇甯四年崇甯監以所鑄御書當
 十錢來上詔頒其式於諸路














大觀錢食貨志曰大觀元年二月鑄御書當十錢以轉運使宋喬年領之鑄烏背錢









政和錢食貨志曰蔡京命諸路錢監復改鑄夾錫錢遂以政和錢頒式焉















重和錢食貨志曰重和中權罷鑄夾錫錢









宣和錢宋志曰御府乏用乃令饒贛錢監鑄小平錢每緡用鐵三兩倍損其銅稍損其鉛又令江池韶錢監盡以小平錢改鑄當二錢





欽宗名桓徽宗之子在位一年壽六十一改元靖康按
 帝在東宮時雖不甚失德然國已靡亂莫可挽回況
 又不用李綱以致金人劫帝北行紹興三十年殂於
 五國城


靖康錢食貨志曰靖康元年四月辛未申銅禁按此
 錢制作精良傳世甚少其重寶大錢更不易得




高宗名構徽宗第九子南渡即位臨安在位三十六年
 壽八十一改元凡二建炎四紹興三十二起丁未終
 壬午按帝無撥亂之才惑於奸臣秦檜和議雖有李
 綱趙鼎為相張韓劉岳為將不能復尺寸之地稱臣
 奉貢忘不共戴天之讎且連發金牌十二俾十年之
 功廢於一旦或曰生帝時夢吳越王入宮斯言信歟
 建炎錢此錢有大小三品大錢篆文曰重寶




紹興錢馬端臨曰紹興十五年置利州紹興監鑄錢十
 萬緡有大小三品大者楷文又有鐵錢




孝宗名瑗更名昚高宗嗣子太祖七世孫秀王稱之子
 在位二十七年壽六十八改元凡三隆興二乾道九
 淳熙十六起癸未終己酉按帝雖入嗣然能盡宮庭
 之孝且聰明英毅銳志恢復惜乎帝能矯高宗之志




而諸臣不脫秦檜之習易表為書改臣為姪減去歲
 幣以定鄰好居恒節用愛民好學勤政采直言斥宦
 豎重道崇儒真宋室賢主也
 隆興錢食貨志曰隆興元年詔鑄當二小平錢如紹
 興之初







乾道錢宋史本紀曰乾道六年二月復置舒州同安
 監六月置蘄州蘄春監十二月置黃州齊安監江州
 廣甯監臨江軍豐餘監撫州裕國監皆鑄鐵錢南渡
 以來鐵錢至此極盛食貨志曰乾道六年鑄錢司歸
 運使八年以新鑄錢殺雜提點鑄錢等官責降有差





淳熙錢宋史本紀曰淳熙元年罷鐵錢改鑄銅錢食
 貨志曰詔舒蘄等監復鑄鐵錢並增五萬貫以通寶
 為文按宋錢自淳熙七年始至咸淳錢背上皆鑄年
 數如淳熙錢背文柒字至十六字又有泉字及星月
 文者鐵錢背上增鑄所鑄監名









1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

